



Universitätsbibliothek Paderborn

**Disputationes|| ROBERTI BELLAR-||MINI E SOCIATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De|| EXTREMA VNCTIO-||NE, ORDINE, ET MATRI-||MONIO.|| SINGVLIS LIBRIS
EX-||PLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XIV. Matrimonium consummatum solui posse quoad thorum, &
cohabitationem.

[urn:nbn:de:hbz:466:1-54104](https://nbn-resolving.de/urn:nbn:de:hbz:466:1-54104)

150 Cap. XIII. De Matrimon. Sacram. Lib. I.

tantum hæreticus, sed etiam apostata, Ethnicus, atheus, nomen nunquam soluitur vinculum Matrimonij, quia Sacramentum est.

Et hinc soluitur etiam dubitatio, quæ nasci posset, videlicet si coniunx fidelis nolit cohabitare cum coniuge etiam fidei, nisi cum iniuria Creatoris, eum scilicet perpe- tuò ad malum sollicitando, cur inquam, non possit Matrimonium solui: caussa enim iam redditâ est, quod eiusmodi Matrimonium in Ecclesia contractum, Sacramentum sit.

C A P V T X I I I .

Matrimonium ratum non consummatum, solui etiam quoad vinculum, per ingressum in res- gionem.

ALTERA questio, de Matrimonio fideliū rati non autem consummato, tractata est à nobis in 2. lib de Monachis, cap 38. Itaque ad eam Lectio rem remittendum putauimus.

C A P V T X I V .

Matrimonium consummatum solui posse quoad thorum, & cohabitationem.

DERTIA questio est de solutione Matrimonij consummati quoad thorum, & cohabitationem, manente vinculo coniugali, quæ solutio propriè dicitur diuortium à Theologis: & distinguitur à repudio, quod est solutio etiam quoad vinculum. Quamuis iure consulti paulo aliter accipient istas voces: nam repudium vocant dimissionem tum sponsæ, tum etiam uxoris; diuortium autem, dimissionem solius uxoris post Matrimonium, siue quoad thorum, siue quoad vinculum, vt patet ex l. inter stuprum, & l. inter diuortium, ff. de verb. signific. vnde tam in iure canonico, quam ciuili, in titulo de diuortio, agitur de solutione Matrimonij, siue quoad thorum tantum, siue etiam quoad vinculum.

Scd



Sed quidquid sit de vocibus, Lutherus in lib. de captiuitate
Babyl. ca. de Matrimonio, Philippus in locis Theologicis
tit. de coniugio, Kemnitius in 2. par. Examin. Concilij Tri-
dentini, & alij passim, non agnoscunt diuortium manente
vinculo coniugal. Kemnitius autem non solum negat, vnum
est legitimum diuortium eiusmodi, sed etiam Ecclesiam repræ-
hendit, quod pluribus de causis, & non sola causa fornicationis,
diuortium quoad thorum concedat.

At nihilominus sententia Theologorum, & Ecclesiæ totius est, posse Matrimonium consummatum inter fideles solu-
ti quoad thorum, & cohabitationem, duabus de causis.

PRIMO ex consensu, propter maiorem, atque altiore repa-
statum acquirendum, ut si uterque coniugum continentiam
perpetuam voleat, & ad religionem transeat; cuius rei pluri-
ma exempla Sanctorum exstant, ut in disputatione de votis
ostendimus, & habemus testimonium Christi Matth. 19. O-
mnis qui reliquerit domum, vel agrum, vel uxorem, &c. vbi
loquitur de dimissione vxoris, ut Apostoli fecerant, nimis
causa sequendi ipsum.

SECVNDO sine consensu, ob crimen, idque triplex. PRIMVM
est, adulterium alterius coniugis, de quo Matth. 5. DE INDE-
SI alter coniugum à fide Catholica recedat; & de hoc habe-
mus Apostolicum præceptum, ad Tit. 3. Hereticum hominem
post unam, & secundam correctionem deuita vbi Apostolus
de omnibus generatim loquitur, neq; coniuges, aut parentes
excipit. Et de his etiam intelliguntur verba Domini Luc. 14.
Si quis venit ad me, & non odit patrem suum, & matrem. &
uxorem, &c. DE INDE SI alter coniugum impellat alterum
ad peccatum, ita ut nō possit alter cum eo cohabitare sine pe-
riculo Deum offendendi; & de hoc loquitur Dominus cum
ait: Si oculus tuus scandalizat te, erue eum, Matt. 18 in quem
locum scribens Hieronymus, docet sententiam Domini esse,
ut siij, qui nobis coniuncti sunt, & chari instar oculorum, ut
parentes, filii, uxor, causa sint ruinarum; ab iis recedamus.

Atque hæc omnia habentur in decretis Ecclesiæ in titulo
de diuortiis; & nuper Concilium TRIDENTINUM con-
tra Lutheranos id ipsum his verbis confirmauit, sess. 24. ca-
none 3. Si quis dixerit, Ecclesiam errare, cum ob multas

KK 4 causas

causas separationem inter coniuges quoad thorum, seu quoad cohabitationem ad certum, incertumque tempus fieri posse discernit, anathema sit.

Sunt autem antequam ad obiectiones aduersarij respondamus, OBSERVANDA tria. PRIMUM est, libertatem diuortium faciendi ob crimen, patrem esse viro, & vxori: licet enim Dominus Matth. 19. de viro tantum loquatur, quia ordinariè viri vxores dimittunt, tardò autem ab uxoribus dimittuntur viri; tamen quod Dominus de viris dixit, etiam ad feminas pertinet. Nam Apostolus 1. Corinth 7 utrumque dicit: *Principio non ego, sed Dominus, uxorem à viro non discedere, et vir uxorem non dimittat;* nimur sine legitima causa. Et idem docent Concilium Mileuitanum, canone 17. Innocentius I. epist. 3. cap. 4. Hieron. in epist. ad Oceanum de obitu Fabiolæ, & Augustinus libro de adulteriis coniugiis 2. cap. 8.

SECUNDUM est, diuortium quoad thorum tantum, propria auctoritate posse fieri, modò verè nouerit coniunx coniugis adulterium. At verò diuortium quoad cohabitationem, quia res est publica, & quae scandalizare potest ceteros; non posse fieri, nisi Ecclesiæ iudicio, ut habemus cap. Potò, de diuortiis.

TERTIUM est, diuortium in causa fornicationis quatuor de causis posse fieri illicitum. PRIMO si fornicatio fuerit sine crimen, & proinde non fuerit nisi materialis, ut si mulier vim passa fuerit, aut ex ignorantia cum eo rem habuerit, quem virum suum esse credebat, cum tamen esset alius. SECUNDO si uterque coniunx eodem crimine teneatur. TERTIO si post cognitum adulterium coniugis, cum eo rem habuerit. QUARTO si auctor fuit coniugi, ut fornicaretur. Vide Sotum in 4. dist. 36 q. vñica, art. 1.

Sed Kemnitij obiecta diluenda sunt, quæ aduersus hunc canonem proposuit in 2. parte Exam. pag. 1268. & sequentibus. PRIMA obiectio: Definitio illa diuorij, quod sit separatio Matrimonij quoad thorum, manente vinculo coniugali, noua est, et ex verbis Pauli male intellebitur perperam fabricata: nam ex illis verbis deducta est, *Principio non ego, sed Dominus, uxorem à viro non discedere,* quod si discesserit, manere innupiam, aut viro suo reconciliari. Sed Apo-

Ius hoc loco non loquitur de iusto diuortio, quod fieri potest in causa fornicationis: non enim præciperet uxorem à viro non discedere, si de diuortio iusto loqueretur. Agit igitur de dissideniis quibusdam leibus, quæ interdum inter coniuges oriuntur, & proinde de illicito diuortio, quod à se inuicem discedunt, sed paulo post reconciliantur. Quare perperam ex hoc loco Catholici diuortium deduxerunt, quod manente vinculo Ecclesia licet sit.

RIS POND E O, Catholici ex hoc loco verissimè diuortium iustum & licitum, manente tamen vinculo didicent, quamvis non ex hoc loco solum, sed etiam ex multis aliis, ut suprà ostendimus. Nam ut sanctus Augustinus libro 1. de adulterinis coniugiis, cap. 1. 2. 3. & 4. recte vidit, & monuit, non loquitur B. Paulus de eadem discessione, cùm ait: *Præcipio uxorem à viro non discedere*. & cùm ait: *Quod si discesserit, manere innuptam*: Nam in priore loco agit de iniusta discessione, in posteriore de iusta. Si enim Apostolus ageret de separatione illicita ob leues causas, cùm ait: *Quod si discesserit, &c.* non daret coniugibus optionem, ut post separationem, aut innuptæ manerent, aut viris suis reconciliarentur, sed simpliciter præciperet, ut viris reconciliarentur. Si enim Dominus uxorem à viro discedere prohibuit, nimirum sine iusta causa, ut ipse Apostolus testatur, quomodo fieri potest, ut idem Apostolus ibidem permittat, contra Domini præceptum, uxorem à viro sine iusta causa separata manere? Quare hic erit sensus Apostoli, *Præcipio non ego, sed Dominus, uxorem à viro non discedere, nimirum sine iusta causa*; quod si discesserit, causa nimirum iusta inuenta, manere innuptam, &c. Errant igitur manifestè Erasmus, Kemnitius, Calvinus, Beza, & omnes alij, qui hunc locum exponunt de iniusta discessione; & iustum diuortium ex hoc loco colligi posse negant.

SEC V N D A obiectio Christus, Matth. 5. & 19. dimissio-
nem coniugis nisi propter causam fornicationis pronunciat
esse illicitam, & illegitimum. Contra hanc Christi senten-
tiam, Pontifices decernunt prater fornicationem, multas
alias esse causas, propter quas licita, & legitima coniugium
separatio fieri possit.

RIS POND E O, constat ex Euangelio, alias esse causas

KK 5 præter

præter fornicationem carnalem, cur coniugium separari possit, quoad thorum, ut supra ostendimus ex variis locis; sed ille IN PRIMIS est insignis, qui habetur Matth. 19. Nam ubi Dominus iussicerat, non dimitti vxorem, nisi ob fornicationem; in eodem capite, promisit centuplum in hoc seculo, & vitam æternam in futuro iis, qui uxores dimiserint proprie Euangelicam perfectionem. Quare ne ipsum Euangelium secum pugnet, adhibenda est explicatio, & limitatio aliqua.

PRAETEREA ex Apostolo 1. Corinth 7. didicimus, posse infidelem coniugem à fideli dimitti, etiamsi fornicatio non intercesserit: non igitur verba Domini vniuersaliter, & sine limitatione accipienda sunt.

Vt igitur Domini sententiam exponamus, PRIMO limitanda est ad Matrimonia contracta inter fideles, vt deuter locus Apostolo permittenti solutionem coniugij contrati inter infideles. SECUNDO sententia Domini intelligenda est de dimissione ratione criminis, non ratione maioris perfectionis adipiscendæ. Nam ratio cur Dominus prohibet coniugem dimitti, est quia qui iniuste dimittit, est alteri coniugi cauissa mœchandi. At qui dimittit cauissa maioris perfectionis, non est cauissa mœchandi, quia vel Matrimonium est consummatum; & tunc non potest fieri talis separatio, nisi ex consensu libero utriusque partis; velestratum tantum, & tunc sit separatio quoad vinculum, & ideo potest coniunx relicta alteri nubere: quare nullum est adulterij periculum.

Cur autem dimissionem ob crimen Dominus dixerit non posse fieri, nisi cauissa fornicationis, cum tamen possit fieri etiam ob alia crimina: S. Augustinus lib. I. de serm. Domini in monte, cap. 26. 27. & 28. dicit rationem esse, quia nomine fornicationis intelligi possunt omnia crimina. Nam etiam idolatria, & omnis superstitionis, est fornicatio quedam spiritualis cum falsis Diis: & rursus secundum Apolum, auaritia est idolorum seruitus; & sicut auaritia est idolorum seruitus, & proinde fornicatio quedam, ita etiam omnis alia prava cupiditas est quedam fornicatio.

SED hæc disputatio Augustini, ipsi etiam Augustino suspecta fuit: nam ad literam non est dubium quin Dominus loquatur de sola fornicatione carnali. Et præterea fallum est,

Et, ob quodlibet crimen posse dirimi Matrimonia, etiam quoad thorum: solum enim, ut supra ostendimus, dirimuntur ab Ecclesia ob crimina, quæ vergunt in detrimentum alterius coniugis. Quare idem Augustinus lib. I. retract. c. 19. non vult nos hanc suam sententiam absolutè sequi.

Dicendum est igitur, Dominum ob duas caussas exceptissime solam fornicationem. PRIMA caussa est, quia sola fornicatio est propria ratio solutionis Matrimonij; ceteræ autem communes sunt Matrimonio cum aliis omnibus confederationibus: nam propter haeresim, vel inductionem ad peccandum, non solum separari debet coniunx à coniuge, sed etiam filius a patre, frater à fratre, seruus à domino, &c. Quocirca Dominus istas caussas non exclusit quas sciebat esse communes, sed exclusit eas omnes, ob quas ceteræ confederationes non dirimuntur, excepta fornicatione. Ratio autem huius est, quia sola fornicatio directè opponitur fidei coniugali, & substantiæ ipsius Matrimonij, cetera autem crimina per accidens se habent ad Matrimonium.

SECUNDA caussa est, quia Dominus loquebatur de dimissione non ad certum tempus, sed perpetua: nam de haec loquebantur, qui eum interrogauerant. Porro caussa perpetui diuortij nulla est, nisi fornicatio: propter fornicationem enim coniugis, etiamsi tantum semel ea perpetretur, & mox qui peccauerat, resipiscat, liberatur alter coniunx à debito reddendo per omnem vitam. At propter alia crimina non liberatur, nisi pro eo tempore, quo durant ea crimina: si enim coniunx, qui coniugem ad peccandum inducet, resipiscat, & serio conuertatur, tenetur coniunx eum recipere, eiisque affectu maritali cohabitare, quia ista crimina, ut diximus, per accidens opponuntur Matrimonio, at fornicatio per se opponitur; & ideo statim, atque coniunx fornicando frangit coniugi datam fidem, quia non stat promissis, cadit à iure coniugij, nec habet amplius in coniugem ullum ius.

TERTIA obiectio: Separationem, quæ i. Corinth. 7. extra caussam fornicationis describitur, Paulus nec suadet, nec decernit, sed docet eam pugnare cum præcepto Domini, qui præcipit non discedere: quādo vero coniuges contra illam

Apo-

Apostoli doctrinam priuata contumacia se separant, tum Paulus suadet reconciliationem, aut si hoc nolint, pronuncia ipsos deberé sine coniugio manere. Sed octauus hic canonedit, ipsam Ecclesiam ob multas causas, prater fornicationem, decernere posse separationem. Hæc Kemnitius: voluenter eius verba ponere, ne queratur obiectionem suam non esse fideliter recitatam.

R E S P O N D E O, tunc soluta est hæc obiectione cùm ad priam respondimus: falsò enim Kemnitius assumit illa rebus Pauli: *Si discesserit, manere innuptam, aut viro suo reconciliari, esse accipienda de illicita discessione, ut ibi ex Augustini inuictissima demonstratione docuimus.* Itaque falsò dicit Kemnitius, describi, i. Corinth. 7. separationem extra causam fornicationis, & eam à Paulo improbari. Sed etiam si hoc esset verum, exponeremus Pauli sententiam, ut iam iam Domini sententiam exposuimus.

Q V A R T A obiectione: *Christus*, Matth. 5. idèd prohibet uxorem dimitti extra causam fornicationis, quia eiusmodi dimissio obiicit periculis unctionis, fornicationis, & adulterij. *Sed de his periculis Pontificij non sunt folliciti; libere enim decernunt separationem ad certum, incertumque tempus.*

R E S P O N D E O, quando iusta est dimissio; periculum fornicationis, cui obiicitur dimissus, non imputatur dimittenti, qui vtitur iure suo, sed ei, qui dedit causam cur dimittetur. Nam certè qui dimittit uxorem causa fornicationis, quia iustè dimittit, non dicitur obiicere uxorem periculo fornicationis, etiamsi illa sic dimissa meretriciam artem exercere incipiat. Iustum autem esse dimissionem, quam Ecclesia decernit, suprà probauimus, quia est conformis Euangelio, & rectæ rationi. Nam cùm duo immineant pericula: *Vnum coniugi innocentis, si sinatur habitare cum coniuge hæretico, aut impellente ad flagitia; periculum videlicet in hæresim, aut in flagitia labendi: Alterum coniugi nocenti, si separetur; periculum scilicet fornicandi: Ecclesia recto iudicio censet potius consulendum innocentem, quam nocenti, & idèd Matrimonia illa dirimit quoad cohabitationem.* Quare Pontificij non idèd separationem decernunt, quod de periculis fornicationis & adulterij non sint folliciti.

folliciti, sed quod magis solliciti sint de periculis aliis gravioribus.

QVINTA obiectio: Contendunt tale debere esse diuortium, in quo vinculum Matrimonij saluum maneat. Atque si Pontificia illa separatione vinculum coniugij multum, & variis modis soluitur. Nam quid sit vinculum Matrimonij, docent haec sententiae; Et adhaeret uxori suæ; Faciamus etiadiutorium, quod sit coram ipso; Mulier non habet potestem corporis sui, sed vir; Iterum conuenite, ne tentet vos Satan; Non sunt duo, sed una caro; & ipsum Matrimonium definitur individua vita consuetudine. At haec omnia vincula soluit diuortium quoad iherum, & cohabitationem; ergo homines separant, quod Deus coniunxit.

R E S P O N D E O, tota obiectio nititur falsa vinculi coniugalis explicatione. Vinculum enim coniugale dicitur mutua quedam obligatio, qua vir ita efficitur maritus unius feminæ, ut non possit esse alterius, illa viuente; & fœmina ita efficitur vxor unius viri, ut non possit esse alterius, illo viuente: Sic enim explicat Apostolus Roman. 7. & 1. Corinth. 7. Cohabitatio autem, & societas lecti, ac mensæ, de quo loquuntur Scripturæ allegatae à Kemnitio, non vinculum ipsum efficiunt, aut sunt, sed ex illo consequuntur: alioqui quotiescumque vir, & vxor, etiam iusta de causa, in diueras regiones abirent, atque inter se distarent, coniugij vinculum solueretur; quod sane absurdissimum est. Sicut igitur vir, & vxor, vinculum Matrimonij retinent, quando unus in Oriente, altera in Occidente degit, quia non potest vir alteri fœminæ, neque vxor alteri viro sine adulterio iungi, cum adhuc sint veri coniuges, licet non cohabitent, neque sibi inuicem adhaereant: ita etiam vinculum coniugij retinent vir & vxor, per diuortium separati, quia adhuc ille huius solius fœminæ vir, & illa huius solius viri vxor est.

Illa autem verba: Quod Deus coniunxit, homo non separet; de vero vinculo intelligenda sunt, non de cohabitatione aut lecti communione, nisi velimus coniuges ipsos rationes soluere quod Deus coniunxit, quoties à se inuicem absunt.

CAPUT